



ԵԿԵՂԵՑԱԿԱՆ ԲԵՄ. ԼՈՒՐԵՐ

Դեկտեմբերի 7-ին, կիրակի.—Այսօր Մայր տաճարում, Ավագ խորանի վրա, ս. պատարագ է մատուցում Տ. Մովսիս վրդ. Սարգսյանը և «Հայր մեր»-ից առաջ քարոզում «Երանի որ քաղցեալ և ծարաւի իցեն արդարութեան, զի նոքա հագեցին» (Մատթ. Ե 6) բնաբանով:

Հավարտ ս. պատարագի, Վեհափառ Հայրապետի նախագահությամբ, կատարվում է հոգեհանգիստ՝ նորոգ հանգուցյալ, Արարտյան թեմի առաջնորդական փոխանորդ Տ. Կոմիտաս արքեպ. Տեր-Ստեփանյանի հիշատակին:

*
* *

Դեկտեմբերի 10-ին, չորեքշաբթի.—Այսօր, երեկոյան, Վեհարանում, Վեհափառ Հայրապետի նախագահությամբ, գումարվում է միաբանական հերթական հավաքույթ:

*
* *

Դեկտեմբերի 12-ին, ուրբաթ.—Այսօր, երեկոյան ժամը 19-ին, Վեհարանում, Հայոց Հայրապետի նախագահությամբ, գումարվում

է Գերագույն հոգևոր խորհրդի հերթական նիստը:

*
* *

Դեկտեմբերի 14-ին, կիրակի.—Այսօր Մայր տաճարում, Ավագ խորանի վրա, ս. պատարագ է մատուցում Տ. Անանիա վրդ. Արաքսյանը և «Հայր մեր»-ից առաջ քարոզում «Բազում մասամբք եւ օրինակօք կանխաւ խօսեցաւ Աստուած ընդ հարսն մեր մարգարէիք. Ի վախճան ատուրցս այսոցիկ խոսեցաւ ընդ մեզ Որդւովն զոր եղ ժառանգ ամենայնի, որով եւ զյափտեանսն արար» (Եբր. Ա. 1-2) բնաբանով:

Հավարտ ս. պատարագի, Վեհափառ Հայրապետի նախագահությամբ, կատարվում է քառասունքի հոգեհանգիստ՝ հանգուցյալ, Գերագույն հոգևոր խորհրդի անդամ, արվեստաբան դոկտ. Սարգիս Մելիքսեթյանի հիշատակին:

Ս. պատարագից հետո Վեհափառ Հայրապետը Վեհարանում ընդունում է հանգուցյալի հարազատներին և մխիթարիչ խոսք ասում նրանց՝ կրած մեծ կորստի համար, ոգեկոչելով հանգուցյալի հիշա-

տակը և գործունեությունը Մայր Աթոռ Ս. Էջմիածնում:

*
* *

Դեկտեմբերի 17-ին, չորեքշաբթի.—Այսօր, երեկոյան, Վեհարանում, Վեհափառ Հայրապետի նախագահությամբ, գումարվում է միաբանական հերթական հավաքույթ:

*
* *

Դեկտեմբերի 15-ին, երկուշաբթի.—Այսօր հոգևոր ճեմարանում վերսկսվեցին 1980—1981 ուսումնական տարվա կիսամյա քննությունները, որոնք տևեցին մինչև սույն ամսի 30-ը: Ուրախությամբ պետք է արձանագրել, որ ուսանողները լավագույն կերպով պատրաստվել էին կիսամյա քննություններին, և դրանց արդյունքները ուրախացուցիչ են ու խանդավառ:

*
* *

Դեկտեմբերի 21-ին, կիրակի.—Այսօր Մայր տաճարում, Ավագ խորանի վրա, ս.

պատարագ է մատուցում Տ. Գրիգորիս վրդ. Բունիաթյանը և «Հայր մեր»-ից առաջ քարոզում «Զի ամենայն որ քարձրացրեցան՝ զանձն, խոնարհեցի. և որ խոնարհեցուցանե՞ զանձն՝ քարձրացի» (Ղուկ. ԺԴ 11) բնաբանով:

Ս. պատարագին ներկա էր Վեհափառ Հայրապետը:

*
* *

Դեկտեմբերի 24-ին, չորեքշաբթի.—Այսօր, երեկոյան, Վեհարանում, Վեհափառ Հայրապետի նախագահությամբ, գումարվում է միաբանական հերթական հավաքույթ:

*
* *

Դեկտեմբերի 28-ին, կիրակի.—Այսօր Մայր տաճարում, Ավագ խորանի վրա, ս. պատարագ է մատուցում Տ. Զատիկ արդ. Ավետիքյանը և «Հայր մեր»-ից առաջ քարոզում հանգամանալից կերպով տալով Մնասնեի առակի մեկնությունը:

Ս. պատարագին ներկա էր Վեհափառ Հայրապետը:

